



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis**

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Historiam Complectitur vniuersæ Paßionis Dominicæ

**Puente, Luis de la**

**Coloniae, 1614**

Med. 31. De Christi ad Pilatum deductione; & Iudæ suspensione.

[urn:nbn:de:hbz:466:1-54653](https://nbn-resolving.org/urn:nbn:de:hbz:466:1-54653)

## MEDITATIO XXXI.

DE CHRISTI DOMINI  
ad Pilatum deductione, & in-  
felici Iudæ morte.

## PUNCTVM I.

a Luc. 22.  
66.

T aut factus est dies, conuen-  
runt Seniores plebis, & Princi-  
pes Sacerdotum & Scribae, &  
dixerunt illum in concilium suum  
dicentes: si tu es Christus dic nobis. Et ait illis:  
si vobis dixerō, non credetis mihi: si autem  
interrogauerō, non respondebitis mihi, neque  
mitteris. Ex hoc autem erit Filius hominis se-  
dens à dextris virtutis Dei. Dixerunt autem  
omnes: Tu ergo es Filius Dei? Qui ait: vos disti-  
ntis, quia ego sum. At illi dixerunt: quid ad hoc  
desideramus testimonium? ipsi enim audiuimus  
de ore eius.

## I.

PERPENDENDVM est hic primū,  
quā fuerit in votis, vt hæc dies illuce-  
ret tam ipsi Christo Domino, quā eius ho-  
stibus diuersa licet mente ac fine: nam Christus  
diem desiderabat, quia in eo erat Redemptio-  
ni mundi finem impositurus; quem diem à tri-  
ginta tribus annis expectauit, & vt proprium  
suum habebat, quatenus, quidquid ille opta-  
bat, in bonum nostrum cedebat: hostes autem  
eius

eius cupiebant diem illucescere, vt perueriam suam mentem ac desiderium, Christum crudeliter occidendi, citius adimplerent: ideoque *confestim*, hoc est summo mane, ad suum concilium redierunt. Ex quo affectus deducam gratitudinis ad Christum Dominum nostrum, ob eius desideria videndi hunc diem; confusio- nis verò & pudoris, attendens, quam sint impij diligentes ad malum, & quam impigri ad surgendum, vt propriam expleant peruersam voluntatem: ego contra tardior & incuriosus, in explenda diuina.

b Marc. 15. 1.

## II.

DEINDE perpendenda est malitia & astu- tia, quam ostenderunt isti Scribæ & Seniores, in proposita Christo quaestione; vt, quidquid ille ad eam responderet, caperetur: si enim ne- garet, se esse Christum, dixissent, ipsum sibi es- se contrarium; & hac ratione se ipsum con- demnare, vt qui prius habuerit se pro Chri- sto: si verò fateretur se esse Christum, ratifi- cando quæ antea dixisset, assequerentur ipsi quod optabant, vt illum condemnarent.

## III.

SED multo amplius perpendenda est Chri- sti Domini nostri, in suo responso admiranda prudentia, modestia, & mansuetudo, simul que spiritus libertas, cum iam secundo verbum illud adiecerit: *Ex hoc erit Filius hominis se- dens à dextris virtutis Dei*, vt illis timorem ineuterer, & nos intelligamus: vt eius humi- liationes habuerunt felicem exaltationis ex- itum, ita nostras habituras, si illum imite- mur.

DENI-

II.

• DENIQUE, alia multo, mente, quam hi profligatissimi Proditores habuerunt, videns ego Christum Dominum nostrum, multis grauissimè illius noctis afflictionibus adeo defatigatum, interrogabo: *situes Christus num, mi IESU, tu es Christus? tu es Messias Filius Dei viui? splendor gloriæ æterni Patris? & figura substantiæ eius? imago inuisibilis Dei? Quod si tu es, sicut reuera es, quomodo facies ista tua adeo est defœdata? quomodo tot sputis deturpata? quomodo rotulioribus obscurata? quis te sic tractuit, abique vlllo, ad venerandam tuam personam, respectu? Mea, mea peccata, horum omnium sunt causa, charitas verò tua hæc insignia suscepit, vt testimonio essent, quòd tu sis Christus, filius Dei viui, qui in mundum venis, vt eum redimeres: neque enim alius, quàm Christus, ferre potuisset tot cruciatus, tantæque amore, propter peccata, quæ ipse non fecit; & quoniam tu ea suffers, tu Christus meus es, Deus meus, & Saluator meus, cui sit gloria in sæcula. Amen.*

## PUNCTVM II.

**R**ESPONSO illo Christi audito, & facto à Senioribus decreto, de illo in mortem tradendo, *a exurgens omnis multitudo eorum, b vincientes iterum Iesum, duxerunt illum, & tradiderunt Pontio Pilato præfidi.*

a Luc. 23. 1.  
b Marc. 15. 1.  
b Matt. 27. 1.

I.

IN hoc tertio tribunali siue Statione, ad quam Christus fuit deductus, est Primò considerandum, quòd Status Ecclesiasticus Iudæorum, manifestus Christi hostis, sententiã suã illum relaxauerit brachio seculari, tradens illum Pilato, Præfidi pro Romanis; vt crudelius ille mortis sententiam in illum ferret, paruum existimantes esse penam, qua ipsi eum afficere poterant; optabant enim, crudelissima illum morte mactari: ita disponente providentiã diuinã, vt simul Iudæi & Gentes, conuenirent ad inferendam ei mortem, qui pro salute omnium mori volebat. O dulcis Iesv, si tuæ gentis homines, in quos tot beneficia contulisti, sic tecum agunt, & te condemnant; quid ab extraneis sperandum est, qui te non nouerunt? sed tu Domine, paratus es ab omnibus persecutionem pati; vt omnibus adferas salutem: mors enim tua est vita nostra, & tua hæc in concilio impiorum damnatio, erit saluatio nostra, in conspectu Dei in æternum. Amen.

II.

DEINDE perpendenda est crudelitas illa, qua Christus Dominus noster, per plateas illas Hierusalem; magnis militũ & ministrorum clamoribus & vociferationibus deducebatur; plurima ad spectaculum concurrente turba, quæ tunc temporis, intuitu festi Agni Paschalis, innumera in ciuitatem confluxerat. Deducebatur bonus noster Iesv s, ligatis manibus, celeri gressu, sed vultu tamen modesto, graui & mansueto; qui se ab illis

tygri

tygridibus deduci sinebat, absq; vlla resistentia, simul tolerans contemptus & opprobria, quæ illi obijciebantur, maiori multo ignominia, quàm nocte præcedenti: nam die clara omnes eum videre, & agnoscere poterant; & cum intelligerent, omnia illa fieri, præscripto suorum sacerdotum, quos etiam non longe ab ipso pergere videbant, nemo ausus est contradicere: potiùs omnes contra vincitum ipsum clamabant. Gratias tibi, bone IESVS, ob gressus tuos omnes, quos à domo Caiphæ, vsque ad Pilati Prætorium fecisti, & ignominias, quas in illo itinere es perpeffus: per quas oro supplicem mihi remitti peruersos omnes gressus, quos feci ad te offendendum, eosq; in posterum derigas, vt in tuum rectà tendant obsequium.

## PUNCTVM III.

Matth. 27. 3.

**T**VNC videns Iudas, qui eum tradidit, quod IESVS in concilio Sacerdotum damnatus esset ad mortem; eumq; propterea ad Pilatum deduxissent, vt ille eam approbaret, & executioni mandari iuberet, penitentia ductus, retulit triginta argenteos Principibus Sacerdotum & Senioribus, qui tunc in templo ministerijs suis vacabant, dicens: peccavi tradens sanguinem iustum. At illi dixerunt: quid ad nos? tuum erat, antequam faceres, cogitare: nunc autem, tu videris; & ille proiectis argenteis in templo recessit, & abiens in agro se suspendit.

P. 11.

I.

PERPENDENDVM hic primò, Dæmonem excæcare oculos peccatoris; tẽpore, quo peccatũ admittit, ne, culpæ turpitudinẽ aspiciens, eam fugiat; post admissum verò peccatum, aperire illos, & culpã admissam ad eo exaggerare, fœdamq; reddere, vt p̄ pudore incidat in desperationẽ, sicut accidit Cain *b Gen. 4. 13.* desperans, dixit ad Dominum: maior est iniquitas mea quàm vt veniam merear, aut misericordiam. Ego verò, DEVS meus, etsi agnosco, culpæ meæ magnam esse turpitudinem, simul tamen confiteor, maiorem tuam misericordiam: propter quam confido, veniam obtinere; quam non sum promeritus: sciens *c Eze. 18. 23.* voluntati tuæ non esse mortem impij sed vt conuertatur à vjjs suis, & viuat.

II.

DEINDE perpendendum, Iudam quidem cœpisse agere pœnitentiam, & eius tres partes exercere; nam dolorem habuit internum, quia pœnitentia ductus; & cõfessus est suũ peccatũ satis distinctè, quia dixit: peccavi tradens sanguinem inustum; satisfecit quoque, pretium restituens, quod iniuste acceperat, quia proiecit argenteis in tẽplo recessit: sed nihil illi hæc profuerunt: quia eius pœnitentia non fuit recta. Nam neq; dolor fuit verus; nec facta confessio fuit cui oportebat; nec spem habuit veniam obtinendi. Ex quo accipiam documentum, vt attendam, ne pœnitentia mea sit ficta: non enim sufficit dicere, vt Iudas dixit: peccavi; sed sicut David, cui, *d 2. Reg. 12. 13.* cum dixisset: peccavi Domino, statim Deus remisit peccatum, asse-

rente Propheta *Nathan*: *Dominus quoque, tran-*  
*stulit peccatum tuum: quia & contritio fuit in-*  
*signis; & fiducia coniuncta.*

## III.

TERTIO perpendenda est horum Iudeo-  
 rum obstinatio, & Sacerdotum crudelitas qui  
 videntes discipulum poenitentem, & confite-  
 tem Magistri sui, quem ipsis tradiderat, inno-  
 centiam; ipsi nihilominus in sua impietate perse-  
 stunt, *quid*, inquit, *ad nos?* quod ipse sit inno-  
 cens, aut tu, eum tradendo, peccaveris: respice-  
 xisses prius, quid faceres. Qua morosa respon-  
 sione, occasionem illi dederunt desperandi.  
 Ex quo apparet, quam sit periculosum, non ex-  
 cipere humaniter & benevolè peccatores, cui  
 aliquod poenitudinis indicium insinuant: Est  
 enim valde alienum ab spiritu Domini nostri,  
 de quo scriptum est, quod *linum fumigans*, &  
 in quo vel aliquid est luminis, *non extinguetur*,  
 sed potius accommodabit, ut viuat, & plenum  
 lumen concipiat.

*Isai. 42. 3.*

## IV.

QUARTO perpendendum, iustum Dei iudi-  
 cium, quo hunc proditorem, ita exigentibus eius  
 peccatis, deseruerit, permittens, eum nec apud  
 homines consolationem; nec in sua pecunia  
 quietem ullam inuenire: quin potius ut ipsa  
 pecunia esset ipsius carnifex, & explem de-  
 siderium, tortor & vexator: & maiorem in ea  
 retinenda anxietatem sentiret, quam habuerat  
 eam recipiendo, voluptatem; ideoque à se illam  
 proiecit: nec tamen habuit animam ad Deum  
 confugiendi, nec ad suum Magistrum, ut facti  
 sui veniam ab eo peteret; sed à sua potius con-  
 scientia



scientia tortus, & intigatus à satana; non au-  
sus Christi ipsius resurrectionem ( cuius ali-  
quam notitiam habebat ) expectare, statuit se  
ipsum suspendere: vt in hoc infelici homine,  
omnes agnoscamus, quanta sit auaritiæ poena,  
iactura scilicet ipsius pecuniæ, & vitæ, ac feli-  
citatæ æternæ: quam poenam describit S. Pe-  
trus, dum ait: *f Et hic quidem possedit agrum* *f Acto. 1. 18.*  
*de mercede iniquitatis, & suspensus crepuit*  
*medius, & diffusa sunt omnia viscera eius.* Ed  
quod non habuerit misericordiæ viscera ad i-  
ptura Christum.

**DENIQVE** perpendam, quid senserit  
**CHRISTVS** ob discipuli huius infelici-  
tatem & damnationem, qui paratus erat, pœ-  
nitentem ipsum recipere; si, vt accessit templi  
Sacerdotes, ad ipsum pœnitens ac dolens  
confugisset. O benignissime Redemptor,  
qui nullum peccatorem, etiam peccatis onu-  
stissimum, ad te, redeuntem repellis, siquidem  
aded fers grauitè eorum, qui tui erant, per-  
ditionem & condemnationem; ne me Domi-  
ne deseras: si enim me deserueris, in Iudæ-  
amentiam & deliramentum facilè incidam;  
neque enim vllum malum aliquis homo facit,  
quod non possit alius facere, si manum tuam  
ab eo retrahas.

## PUNCTVM IV.

**PRINCIPES** autem Sacerdotum, acceptis a *Matt. 27. 6*  
*argenteis, dixerunt: Non licet eos mittere in*

Z 2 corbo.

carbonam, siue cistam templi; quia pretium sanguinis est. Consilio autem inito, emerunt ex illis agrum figuli, in sepulturam peregrinorum.

**I.** PERPENDENDA hic primum est, hinc horum Sacerdotum hypocrisis; inde verò Debonitas, qui secreto suo instinctu, ad hoc consilium & electionem eos permouit; ad significandum, Christi Domini nostri sanguinem exiguò fructui futurum Sacerdotibus templi, & ijs, qui eos sequerentur; futurum tamen pretium, quo requies æterna ijs compararetur, qui in hac vita se gerunt, tanquam peregrinos versus illam.

**II.** PERPENDENDVM deinde eodem facto ostendisse Christum Dominum, suum ergo pauperes amorem; dum sanguinis sui pretium, voluit cedere in remedium & sepulturam ipsorum; nos hac ratione permoueat ad operam misericordie, etiã si noster sanguinis propter ea sit exponendus. O dulcis IESV, siquidem ad eò nos diligis, vt, quidquid ad te pertinet, velis in utilitatem nostram conuerti; respice paupertatem meam, & sanguinis tui pretio, illi subsidium adfer; vt viuens sic ut peregrinus in hac vita, prosperem ad alterius æternam requiem.

(:)